

AKT THEMELIMI DHE STATUT: "M DATA SOLUTIONS" SH.P.K.

AKTI I THEMELIMIT DHE STATUTI I
SHOQERISE ME PERGJEGJESI TE KUFIZUAR
"M DATA SOLUTIONS" SH.P.K

AKT THEMELIMI DHE STATUT: "M DATA SOLUTIONS" SH.P.K

AKTI I THEMELIMIT DHE STATUTI
I SHOQERISE ME PERGJEGJESI TE KUFIZUAR "M DATA SOLUTIONS"
SH.P.K

STATUT
PER KRIJIMIN E PERSONIT JURIDIK, SHOQERISE ME PERGJEGJESI TE
KUFIZUAR: "M DATA SOLUTIONS" SH.P.K

Sot më datë 08.08.2022, unë shtetasi si më poshtë, vijon:

Z. Marin Pitarka, lindur me 01/05/1983, në Tiranë, qytetar shqiptar, banues ne Tiranë, mbajtes I leternjoftimit me numër Personal I30501214N, madhor e me zotësi të plotë juridike për të vepruar;

Në mbështetje të dispozitave ligjore të Kodit Civil në Ligjin Nr. 9901, datë 14.04.2008, vendosëm themelimin e Shoqërisë Tregtare "M DATA SOLUTIONS" Sh.p.k., shoqëri private e së drejtës Shqiptare, krijimi, funksionimi I së cilës përcaktohet si më poshtë vijon:

KREU
EMRI I SHOQERISE, SELIA, KOHEZGJATJA, OBJEKTI

NENI I
EMERTIMI I SHOQERISE

- 1.1 Emri i shoqërisë me përgjegjësi së kufizuar është "M DATA SOLUTIONS" SH.P.K (më poshtë e quajtur "Shoqëria"). person juridik privat I së drejtës Shqiptare, I themeluar dhe do të ushtrojë veprimtarinë në përputhje me ligjet e Republikës së Shqipërisë. Kjo shoqëri në llojin e saj është Shoqëri me Përgjegjësi të kufizuara.
- 1.2 Veprimtaria dhe funksionimi I kësaj Shoqërie rregullohet sipas neneve të statutit të kësaj shoqërie dhe në përputhje me ligjin Nr. 9901, datë 14.04.2008, "Për Tregtarët dhe Shoqritë Tregtare".

NENI 2
SELIA

- 2.1 Njësia Bashkiake Nr 9, Rruga "Asim Vokshi", Kompleksi Usluga, Pallati Numer 3/B, Kati 1, Hyrja 1, Nr Pasurie 398/123, Tiranë Shqipëri.
- 2.2 Asambleja e Përgjithshme mund të vendosë mbi transferimin e selisë së Shoqërisë në një adresë tjetër. Organi administrues i Shoqerise mund te themeloje ose mbylle dege dhe/ose zyra perfaqesimi, brenda apo jashte Republikes se Shqiperise.



AKT THEMELIMI DHE STATUT: "M DATA SOLUTIONS" SH.P.K

NENI 3
VULA E SHOQERISE

- 3.1 Shoqëria ka vulën e saj, do të jetë si vijon: "M DATA SOLUTIONS" SH.P.K.
- 3.2 Të gjitha Aktet dhe dokumentat që do të nxjerrë Shoqëria drejtuar palëve të treta dhe publikut duhet të tregojnë qartë dhe të lexueshëm emërtimin (Ilojin) e Shoqërisë dhe pas emrit do të jenë fjalët "Shoqëri me Përgjegjësi të Kufizuara" ose shkurtimi sh.p.k. "M DATA SOLUTIONS" SH.P.K.
- 3.3 Shoqëria ka adresën e saj elektronike: financefinance821@gmail.com
- 3.4 Shoqëria ka nr. Kontakt të saj: [+355697959569](tel:+355697959569)

NENI 4
OBJEKTI I SHOQERISE

- 4.1 Shoqëria ka për objekt te saj kryerjen e të gjitha aktiviteteve që një shoqëri me përgjegjësi te kufizuar mund te ushtrojë në bazë të legjislacionit shqiptar, brenda ose jashtë territorit të Republikës së Shqipërisë, duke u fokusuar kryesisht në:
- Hulumtim i tregut dhe i opinionit publik.
 - Hulumtimi i mediave, si TV, RADIO, GAZETA apo Bilbordeve.
 - Dhenie konsulencë në lidhje me tregtinë, bussines-in dhe organizimi i seminareve në për to.
- 4.2 Për përmbushjen e objektit të saj Shoqëria:
- Mund të marrë pjesë dhe te jete e interesuar ne shoqeri dhe sipermarrje, shqiptare apo te huaja, qe kryejne aktivitete te njëjta, te ngjashme apo te lidhura me aktivitetin e saj ose te subjekteve pjesemarrese;
 - Mund të lidhë kontrata shitblerje, përdorimi, shkëmbimi, sipërmarrje apo marrëveshje të tjera me investitorë, bashkë investitorë, pronarë truall apo objektesh, operatorë dhe administrues te strukturave turlstike;
 - Mund te kryejë te gjithë veprimet e nevojshme ose të dobishme ose qe kanë të bëjnë, përfshirë por pa u kufizuar në ofrimin e garancive reale dhe/ose personale për detyrimet e veta dhe së të tretëve, veprime me pasuri të luajtshme, te paluajtshme, tregtare dhe cdo veprim tjetër që ka të bëjë me objektin e saj ose që mundëson një përdorim më të mirë të strukturave dhe/ose burimeve nëpërmjet shoqërive ose sipërmarrjeve në të cilat, direkt apo indirekt, Shoqëria ka pjesëmarrje apo kontrollin e tyre.
- 4.3 Shoqëria mund te veprojë ne Shqipëri dhe jashtë saj dhe te kryejë do aktivitet tjetër te lidhur, ndihmës me qëllim te përmbushje ose te jetë i dobishëm për përmbushjen e objektit te saj.

AKT THEMELIMI DHE STATUT: "M DATA SOLUTIONS" SH.P.K

NENI 5

KOHEZGJATJA E SHOQERISE

- 5.1 Shoqëria do të zhvillojë Veprimtarinë e saj për një kohë pa afat.
5.2 Ajo mund të shpërndahet para afatit me vendim të Ortakut, ose per shperndarje e saj e percakton vetë legjislacioni ne fuqi.

KREU II

KAPITALI, KALIMI I KUOTAVE, ZMADHIMI DHE ZVOGELIMI I KAPITALIT

NENI 6

KAPITALI I SHOQERISE

- 6.1 Kapitali i Shoqërisë ndahet në një numër kuotash, në raport me kontributin dhënë nga cdo ortak në Shoqëri. Cdo Ortak zotëron një kuotë të vetme në Shoqëri. Bashkëzotëruesit e një kuote, sipas nenit 72, të këtij ligji, gëzojnë cilësinë si një ortak I vetëm.
- 6.2 Kapitali fillestar për ushtrimin e veprimtarisë së Shoqërisë është 10.000 (dhjet mijë) Lekë. Pjesëmarrja e themeluesit ne Kapitalin e Shoqërise është në përputhje me kontributet e tij si më poshte:
1. Ortaku Vetëm Themelues **Z. Marin Pitarka, lindur më, 01/05/1983, në Tiranë, qytetar shqiptar, banues ne Tirane, mbajtes I letërnjoftimit me numër Personal: I30501214N**, Zotërues I një kuote të vetme me vlerë nominale 10.000 (dhjet mijë) lekë dhe përfaqëson 100% të Kapitalit Themeltar.

Kapitali i Shoqërisë nënshkruhet menjëhere dhe do të paguhet nga ortaku që zoteron, 100 % (njqind per qind) të kontributeve në kapitalin e shoqërisë.

- 6.3 Në rast zmadhimi apo zvogëlimi të kapitalit themeltar te Shoqërisë, ortakët do të kenë të drejtën e nënshkrimit të zmadhimit apo zvogëlimit të kapitalit në përpjesëtim të drejte me pjesëmarrjen që zotëron secili në kapitalin e Shoqërisë.

NENI 7

KALIMI I KUOTAVE ME TRASHËGIMI OSE SI PASOJE E FALIMENTIMIT

- 7.1 Në rast se një ortak, apo një bashkëzotërues i një kuote humb jetën, trashëgimtarët e tij do të jenë të vetmët persona, që do ti njihet titulli mbi kuotën nga Shoqëria por asnjë nga këto parashikime nuk cliron përgjegjësitë e trashëgimtarëve nga cdo detyrim i mbartur

AKT THEMELIMI DHE STATUT: "M DATA SOLUTIONS" SH.P.K

nga kuota e zotëruar. Në rastin e vazhimit të Shoqërisë me disa trashëgimtare të ortakut që ka humbur jetën, trashëgimtarët duhet të caktojnë një përfaqësues të përbashkët.

- 7.2 Personi që fiton të drejtën mbi një kuotë si pasojë e humbjes së jetës ose falimentimit të një ortaku mund të zgjedhe të behet zoterues i kuotes ose të kerkoje regjistrimin e kuotes ne emer te nje personi tjetër te caktuar prej tij si perfitues i kuotes . Nese personi i mesiperm zgjedh të behet zoterues i kuotes, ai njofton Shoqerine ne lidhje me kete zgjedhje. Nese personi i mesiperm zgjedh të kerkoje regjistrimin e kuotes ne emer te nje personi tjetër atehere ai duhet ta kryeje ate nepermjet nje akti te vlefshem te transferimit të kuotes.
- 7.3 Personi që fiton të drejtat mbi një kuotë si pasojë e humbjes së jetës ose falimentimit të nje ortakut do të kete të drejtat qe gezonte zoteruesi i kuotes, duke perjashtuar të drejtën e pjesëmarrjes ose të votes ne do mbledhje të Asamblese së Pergjithshme, deri ne momentin e regjistrimit ne regjistrin tregtar si zoterues i kuotes.

NENI 8

ZMADHIMI I KAPITALIT

- 8.1 Asambleja e Pergjithshme mund të zmadhoje kapitalin e Shoqerise, me kuorumin e percaktuar ne nenin 9.12 të ketij Akt Themelimi dhe Statuti. Vendimi i Asamblese së Pergjithshme për zmadhimin e kapitalit do t'i komunikohet me shkrim ortakëve qe jane thirrur por nuk ishin të pranishem ne mbledhjen e Asamblese së Pergjithshme qe vendosi për zmadhimin e kapitalit.
- 8.2 Ne rast zmadhimi të kapitalit, të gjithë ortakët do të kene të drejtën të nenshkruajne zmadhimin e kapitalit, ne para ose me kontribute ne natyre, ne perpjesetim të drejte me kuotat qe zoterojne ne Shoqeri.
- 8.3 Ne rast se disa ortakë heqin dorë nga e drejta e nenshkrimit të pjesës së tyre, kapitali i panenshkruar mund të nenshkruhet nga ortakët e tjere . Ne kete rast, keta ortakë mund të ushtrojne serish të drejtën për nenshkrimin e kapitalit, ne perpjesetim të drejte me kuotat e pjesëmarrjes ne Shoqeri.

NENI 9

ZVOGELIMI KAPITALIT

- 9.1 Asambleja e Pergjithshme mund të zvogeloje kapitalin e Shoqerise, me kuorumin e percaktuar ne nenin 9.12 të ketij Akti Themelimi dhe Statuti. Ne do rast, kapitali i Shoqerise nuk mund të zvogelohet nen kufirin e percaktuar me ligj.
- 9.2 Ortakët e perballojne zvogelimin e kapitalit të Shoqerise, ne perpjesetim të drejte me pjesëmarrjen e tyre ne kapitalin e Shoqerise.

KREU III

ASAMBLEJA E PERGJITHSHME NENI 10

ASAMBLEJA E PERGJITHSHME

- 10.1 Asambleja e Pergjithshme është organi vendimmarrës i Shoqërisë. Asambleja e Pergjithshme vendos mbi të gjitha çështjet për të cilat është kompetente sipas ligjeve në

AKT THEMELIMI DHE STATUTI: "M DATA SOLUTIONS" SH.P.K

fuqi ne Republikën e Shqipërisë, sipas ketij Akt Themelimi dhe Statuti dhe/ose do marrëveshje midis ortakëve të Shoqërisë.

10.2 Cdo ortak ka te drejtë të marrë pjesë në mbledhjet e Asamblesë së Përgjithshme, të shprehe vullnetin e tij si dhe te votojë në përputhje me pjesët e kapitalit qe ai zotëron ne Shoqëri.

10.3 Cdo ortak mund te perfaqësohet nga një ortak tjetër ose nga nje perfaqesues i deleguar me prokure me shkrim.

10.4 Ortaku nuk mund të delegojë te drejtën e votes per nje pjesë te kuotave te tij te kapitalit, nese ai voton personalisht per pjesën e mbetur.

10.5 Mbledhja e Asamblesë se Përgjithshme mund te mbahet brënda ose jashtë territorit te Republikës së Shqipërisë. Ortakët ose përfaqesuesit e autorizuar mund te marrin pjese ne mbledhjen e Asamblesë së Përgjithshme nepermjet mjeteve elektronike, perفشire telekonferencen (*conference call*) audio ose video, ne perputhje me legjislacionin per shoqerite tregtare dhe komunikimet elektronike. Mbledhja e Asamblese se Pergjithshme dote quhet e mbajtur ne vendin ku ndodhet Kryetari i saj dhe Sekretari i mbledhjes, me qellim qe te hartohet dhe te nenshkruhet procesverballi perkates.

10.6 Asambleja e Përgjithshme mund te thirret nga Administratori/et ose nga ortakët që përfaqesojne te pakten 5% te kapitalit te Shoqerise. Thirrja e mbledhjes se Asamblese se Pergjithshme duhet te behët nëpermjet njoftimit me shkrim ose me mjete elektronike, derguar secilit prej ortakeve ne adresat e njoftuara Shoqerise, te pakten 15 (pesembdhjete) dite perpara dates se caktuar per mbledhjen e saj. Njoftimi duhet te permbaje rendin e dites, vendin, daten dhe oren e mbledhjes.

10.7 Asambleja e Përgjithshme do të mblidhet rregullisht, pavaresisht nga keto formalitete, ne rast se te gjithë ortakët apo perfaqesuesit e tyre jane te pranishem dhe bien dakord per rendin e dites.

10.8 Mbledhjet e Asamblesë së Përgjithshme kryesohen nga Administratori/ët. Asambleja e Pergjithshme cakton nje sekretar per do mbledhje midis personave te pranishem.

10.9 Vendimet e Asamblese së Përgjithshme duhet te jene me shkrim dhe te firmosen nga kryetari dhe sekretari. Me kerkese te ortakeve, vendimet duhet te perfshijne dhe deklaratat apo verejtjet e tyre.

10.10 Asambleja e Pergjithshme mblidhet te pakten nje here ne vit, brenda 6 (gjashte) muajve nga mbyllja e vitit financiar.

10.11 Asambleja e Përgjithshme, në rastin e vendimeve që kërkojnë shumicën e zakonshme, merr vendime të vlefshme vetëm nëse marrin pjesë ortakët me të drejtë vote ose përfaqesuesit e tyre, qe zotërojnë me shumë se 30% (tridhjetë per qind) te kapitalit të Shoqërisë, perve rasteve te parashikuara me poshtë në nenin 9.12. Ne rast se ky kuorum nuk arrihet, Asambleja e Përgjithshme thirret në një mbledhje te dyte brënda 30 (tridhjetë) ditëve nga mbledhja e parë.

10.12 Asambleja e Pergjithshme vendos me votat pro te ¾ te ortakeve pjesëmarrës apo të përfaqesuar qe zotërojnë me shume se 50% të kapitalit te Shoqërisë për ndryshimin e ketij Akt Themelimi dhe Statuti, zmadhimin ose zvogëlimin e kapitalit te Shoqërisë, shpërndarjen e fitimeve, riorganizimin dhe prishjen e Shoqërisë.



AKT THEMELIMI DHE STATUT: "M DATA SOLUTIONS" SH.P.K

KREU IV
ADMINISTRIMI I SHOQERISE

NENI 11
ADMINISTRIMI I SHOQERISE

- 11.1 Shoqëria administrohet nga një apo më shumë Administratorë të cilët zgjidhen nga Asambleja e Përgjithshme për një periudhë prej; **5 (pesë) vjetësh**. **Administratori mund të rizgjidhet dhe shkarkohet në çdo kohë nga Asambleja e Përgjithshme.**
- 11.2 Administratori zotëron kompetenca të plota në lidhje me administrimin e Shoqërisë dhe mund të kryejë të gjitha aktet që konsideron të nevojshme për realizimin e objektivit të Shoqërisë, përveç; atyre që ligji apo ky Akt Themelimi dhe Statut ia rezervon Asamblese së Përgjithshme apo organeve të tjera të Shoqërisë.
- 11.3 Administratori vepron në përputhje me politikën tregtare të vendosura nga Asambleja e Përgjithshme. Administratori është përgjegjës për veprimet e kryera në administrimin e Shoqërisë. Administratori mund të delegojë persona të tretë për kryerjen e veprimeve dhe akteve që kanë të bëjnë me administrimin e Shoqërisë, duke mbajtur përgjegjësi për të gjitha veprimet e kryera nga të tretët e deleguar për administrimin e Shoqërisë.
- 11.4 Administratori do të veprojë në çdo kohë vetëm në interesin e mirë të Shoqërisë. Në rast konflikti të interesit, Administratori do të njoftojë menjëherë ortaket si dhe do të heqë dorë nga çdo veprim që lidhet me objektin e konfliktit të interesit deri në marrjen e udhëzimeve nga Asambleja e Përgjithshme.
- 11.5 Administratori i parë i Shoqërisë do të jetë :
- ♦ **Z. Marin Pitarka, lindur në Tiranë, i datëlindjes 01/05/1983, mbajtës i letërnjoftimit me numër Personal: I30501214N, madhor e me zotësi të plotë juridike për të vepruar**

NENI 12
SHPERBLIMI I ADMINISTRATORIT

- 12.1 Asambleja e Përgjithshme përcakton shpërblimin e Administratorit të Shoqërisë.

NENI 13
PERFUNDIMI I DETYRES SE ADMINISTRATORIT

- 13.1 Detyra e Administratorit përfundon në rast se:
- (a) i përfundon mandati;
 - (b) shkarkohet nga Asambleja e Përgjithshme;
 - (c) jep dorëheqjen nga detyra duke njoftuar Shoqërinë;
 - (d) personi nuk gëzon cilësinë e Administratorit sipas parashikimeve të ligjit;
 - (e) mungon pa arsye në detyrë për më shumë se 6 (gjashtë) muaj radhazi dhe Asambleja e Përgjithshme vendos ta shkarkojë nga detyra.



AKT THEMELIMI DHE STATUT: "M DATA SOLUTIONS" SH.P.K

**KREU V
KONTROLI FINANCIAR I SHOQERISE,
VITI FINANCIAR, BILANCI VJETOR, DIVIDENDI**

**NENI 14
KONTROLI FINANCIAR**

14.1 Kontrolli financiar i Shoqërise kryhet në përputhje dhe sipas legjislacionit shqiptar në fuqi. Asambleja e Përgjithshme do të emëroje një apo me shumë Eksperte

Kontabël te Autorizuar në ato raste kur emvrimi i tyre konsiderohet i nevojshëm ose kërkohet në bazë të ligjit.

**NENI 15
VITI FINANCIAR**

15.1 Viti Financiar i Shoqërise fillon më 1 Janar dhe mbaron më 31 Dhjetor të çdo viti.

**NENI 16
BILANCI VJETOR**

- 16.1 Bilanci vjetor, pasqyrat financiare, inventari, raportet e Administratorit dhe të Ekspertit Kontabel të Autorizuar (nese janë emruar) miratohen nga Asambleja e Përgjithshme. Administratori i paraqet për miratim Asamblese së Përgjithshme raportin mbi administrimin e Shoqërise si edhe llogaritë vjetore.
- 16.2 Dokumentet që kanë të bëjnë me vitin financiar miratohen nga Asambleja e Përgjithshme brenda 6 (gjashtë) muajve nga mbyllja e vitit financiar.

**NENI 17
DIVIDENDI**

- 17.1 Pasi të jenë përmbushur kërkesat e përcaktuara nga Ligji për Tregtarët dhe Shoqëritë Tregtare, Shoqëria, me shumicë të kualifikuar të votave së Asamblese së Përgjithshme, mund të vendosë shpërndarjen e dividendeve në përputhje me të drejtat përkatëse të ortakeve.
- 17.2 Me përjashtim të rasteve kur parashikohet ndryshe nga të drejtat që i bashkëngjiten kuotave, të gjithë dividendet duhet të deklarohen dhe paguhen sipas shumave të paguara në kuotat në të cilat paguhet dividendi. Të gjitha dividendet do të shpërndahen dhe paguhen në mënyrë proporcionale me shumën e paguara mbi kuotat gjatë do pjesë ose pjesëve të periudhës në të cilën paguhet dividendi.



AKT THEMELIMI DHE STATUT "M DATA SOLUTIONS" SH.P.K

**KREU VI
PRISHJA DHE LIKUIDIMI, LIGJI I ZBATUESHEM,
ZGJIDHJA E MOSMARREVESHJEVE**

**NENI 18
PRISHJA DHE LIKUIDIMI I SHOQERISE**

18.1 Ne rastin e prishjes dhe likuidimit te Shoqerise do te zbatohen dispozitat e parashikuara ne ligjin per Tregtaret dhe Shoqerite Tregtare.

**NENI 19
LIGJI I ZBATUESHEM**

19.1 Shoqeria do te zhvilloje aktivitetin e saj ne perputhje te plate me kete Akt Themelimi e Statut dhe ligjin shqiptar. Per sa nuk eshte parashikuar ne kete akt, do te zbatohen dispozitat e legjislacionit shqiptar ne fushen e shoqerive tregtare.

**NENI 20
ZGJIDHJA E MOSMARREVESHJEVE**

20.1 Mos marrëveshjet që mund të lindin ndërmjet Shoqerise dhe ortakeve, apo ndermjet ortakeve dhe trashëgimtareve te ortakeve ose ortakeve te tjere dhe/ose Shoqerise, qe kane per objekt te drejta te lidhura me Shoqerine, do te zgjidhen miqesisht ndermjet paleve te interesuara. Ne rast se palet nuk arrijne nje zgjidhje miqesore, Gjykata e Rrethit Gjyqesor Tiranë do te jete kompetente per zgjidhjen e mosmarreveshjeve.

Ky Akt Themelimi dhe Statut hartohet dhe nenshkruhet ne 3 (tre) kopje ne gjuhen shqipe:

**ORTAKU VETEM I SHOQERISE: "M DATA SOLUTIONS"
SH.P.K.**

MARIN PITARKA

MARIN PITARKA

Faqe 8 nga 8



